

四庫全書

集部

欽定四庫全書

西陂類稿卷十九

吏部尚書宋犛撰

藤陰酬倡集

藤花廳

長洲少宰吳文定寬令名垂手種藤花世共知一片清陰連

古木三春紫萼飈微颺儲才想見當年盛好事堪為我

輩師未答

君恩繩祖武閒廳惆悵每移時

先伯曾祖莊敏公
萬歷朝為冢宰

次前韻

周起渭

竹埤槐院古藤垂閣世蒼茫不自知
濃結繡幃遮曉日
亂牽珠琲颺春颺
尚書屢葉經行地
天雅新音舉世師
更上沙堤尋鳳閣
紫薇花好似當時

吳陳琰

尚書廳事紫藤垂不改清陰鳥雀知
曲幹恰宜搆老屋
繁英猶記墮輕颺
摩抄生意懷詩叟
傳寫風流付畫師

禹鴻臚尚
基作圖

競指柴車來往地詠花人似種花時

郭元鈞

聞道華廳紫幄垂文昌春色外人知正看雲木懸高蔓
想見繁花動晚颺小鍤長鏡懷昔哲隱囊紗帽稱吾師
後園竹木東廂筆千古風流又一時

吳文定有吏部草
木詩晚年抄書皆

自署曰吏
部東廂書

余與宋牧仲冢宰訂交最早頃不相值者二十餘
年去年扈從吳門得一相見今年春相聚於京師

三月二十八夜啓事苑中同宿郊館漫作奉贈

陳廷敬

黃散功名畫省詩卅年心事故人知迴驚海內交游少
却訝天涯聚散遲芳草長洲春去後落花高館夜深時
藤陰舊是栖栖地風月今宵有夢思

余曾官吏部

別陳相國說巖三十年矣丙戌春啓事西苑共話
舊遊猥蒙贈詩依韻奉答兼寄阮亭司寇

英遊連日共論詩寫意開心託素知一去江湖驚浩蕩

重來京國歎衰遲
綠楊上苑聞鐘處
紅藥香風入座時
贏得藤陰投贈句
却教蠶尾寄遐思

五月三日夜重宿郊館疊前韻簡牧仲冢宰二首

陳廷敬

漫叟遺風寫興詩
關西清德畏人知
竹林啓事偏來早
蘭襖流觴不較遲
秀句我應慙少俊
名場公自擅當時
龍雲相逐還相見
卅載能禁一昔思

同詠清暉謝客詩
暮天雲樹杜陵知
二泉水繞波來遠

西山有二
泉著名

新月山長影去遲
麥熟鳩飛踈雨外
柳眠人
過晚涼時相逢為道
頻相憶
綴壁聯珠繫我思

重宿却館說巖相國疊前韻見示奉答二首

相將啓事即談詩
投老心情明月知
過雨青山爭簇簇
點波白鷺任遲遲
洪聲每賦鷓鴣聽
故疾真逢鰕蟹時
野館一燈憑話舊
風飄僧磬助清思

滄浪亭畔罷哦詩

思許京華接故知
回首煙波空在望
題襟江漢未云遲

鳥銜櫻顚春殘後酒泛蒲香夜靜時
乞得西陂公識否
嶮中魚麥惹尋思

夏日邀諸同人寓齋小集晚過龍泉寺南風氏園
看古松限韻同賦

自我來京華公事因茲午休澣值新晴看山芴一拄屐
招淡蕩人共揮談詩塵盆蘭初試花幽香散廊廡珍賜
及

宸章開函鷺創覩食單出上方飀匙啖菽乳遊興晚忽

發龍泉尋紺宇結構故相勞

宛平王文靖公

舊物餘巨鼓荒園

風所諳逕曲披榛莽脩然野色中瞥見蒼虬舞盤拏去
復迴引步首頻俯耳邊響輕濤枝頭滴殘雨有客踞其
巔大叫舌為吐野老扶筇前更報鄰槐古相將入翠幕
涼颼沁肺腑此地足勾留無煩憶竹園

和前韻

王式丹

決日垂雲陰霖霰細於縷高齋愴微霽戶外屢方聚客
袂香浮浮蘭氣撲檐宇山公興味佳談笑寫胸府

寶翰出紹緹家珍，祭可數良宴。及蕭晨遠心，卷坐圍出
門。風吹衣入寺，日過午林靜。或聞鐘粥罷，方臥鼓委委。
風氏園怪松，森獨樹幽尋。已夙識盤桓，更摩撫裏葉鬱。
細煙潤膚溜，新雨偃伏久。婆婆促疆乍，堵挂是時萬花
殘。穠茵為臭腐，卓哉蟠虬姿。蒼蔚不敢伍，西鄰四古槐。
架綠儼列柱，相望各老蒼。歲月一仰俯，物態含風霜。冷
眼閱今古，莫歎衣上塵。山言詩三
年衣上塵茲游良有取，野酌亦
已酣。酬詩集賓主，欲別猶低徊。斜陽罨深塢。

宮友鹿

弧矢出夏冰霄壇請甘雨既滋中田苗亦濯行人暑山
公啓事歸朝爽映廊廡折東走鈴吏分日命儔侶連朝
食指動莫慰作勞苦趣聞長者召期集恰亭午相將飲
文字不事踏筵舞幽香撲簾扇清言拂巾塵解帶卸朝
衫重席共賓主既飫詩中腴亦飽盤中脯鐃器聲在廚
傳餐膾成縷方法出大官食經闕可補珍從亦古典

寵賜重璜琥開函展緹襲晶光照簷宇迢遙子城南精

藍帶荒園緬懷王相國施錢興百堵邇來曲池平遺跡
默可數無復魏絳鐘尚存密湏鼓風園何代松搜擊鬣
鬣古伸臂即瞞長縮脰焦僥倭幽燕氣雄決植物盡瘁
武俯仰罄折門見公夷召虎西鄰槐垂垂修架自支柱
衡鹿守山林材大不容斧雜坐長松陰濤籟鳴徵羽送
酒煩馬軍浮白當杜舉接躡倒著歸夕曛射林塢知公
數假借車茵未妨吐

郭元鈺

勝地寵佳招子邁，寧宿莽愛此名藍。偏幽竒探廢圃，稍辨徑入驚見蒼龍舞。怪松信獨絕遊歷，曾未覩不知歲月深。但見蚪鱗古距地，二尺強南橫十數武。兩頭屈曲上門立，若雙柱枝葉盡。樛盤結翠疊檐廡，微風起海濤清寒。落空字疑是龍泉龍攫挐，吼風雨愛客。今山公禮數寬，賓主珍肴與上尊。竒味出天府，展席古松下。暢懷歌且鼓，發興唱高吟。勁骨翻媚媠，勢若與喬松元氣共。指挂美比歲寒姿，楓槐焉敢伍。悠然耳目新，心醉手

還撫醉後不忍歸臥看鸞鶴聚

劉巖

一雨洗千峰殘雲戀林莽浙浙清風吹天光碧於乳沙
路草蒙莪肩輿正亭午耽幽憩僧寮澄慮聽佛鼓一徑
入青蒼人家類村塢榛棘編藩籬薜荔纏門戶槎枒屋
角旁怪松目罕覩何年此癡龍一睡竟終古勢欲擎天
飛欠伸舒爪股牆外四小槐此立儼如柱亭子縛其中
裊裊互撐拄自我居京華衣裳困塵土峩峩康樂公風

流邁儔伍而我從之遊
灑氣灌肺腑平生宕往胸歎息
自摩撫買屐欲及千登嶽期至五佳境當眼前擲之母
乃魯穀穀鳴鳩交交叫桑扈徙倚夕陽外欲去翻悵
懶歸讀種樹書從今學為圃

陳鵬年

長安英遊場冠蓋日旁午緇塵翳紫陌西山笏誰挂吾
師論道餘炎歆歆散揮塵坐我蘭蕙叢清風在庭廡珍奇
出尚方仙翰開聽觀從容陪杖屨緒論融水乳南有

梵王宮蓮花淨禪宇佈金思故相飯僧擊雷鼓安知千
歲後百身同榛莽落落園中松自挾寒濤舞靈虬既盤
拏餒虎亦偃俯蒼茫閱人代剝蝕幾風雨我來坐松根
塵胃聊一吐旖旎花藥繁鞦韆槐陰古攜觴更命酌冰
盤冷肺腑安得借繩牀十旬住場圃

吳士玉

林際暑欲無天街洗凍雨我公創彥會晏坐作詩主郊
島籍湜徒堂室或廊廡環侍聆清言幽蘭沁肺腑奇寶

瞻榮光珍味嘗內府飲酣遊興發出門日卓午城南風
園松盤攫歲月古撰杖試往觀小憩青蓮宇已聞驚濤
喧風過殷雷鼓荒寒得野趣細路披榛莽俄然蒼雲低
團團蓋廢圃僂身席其下翠幕容布武盤根擢老榦高
纔倍尺五臥柯三丈橫厥勢猶奮怒膠枝迴屈鐵突兀
互撐拄踳踳躍鳳鸞矯矯拏螭虎叫絕浮深杯一杯還
一撫鄰槐亦助奇疑與精靈聚綠煙連暮色殘霞逗縷
縷怯膽震雄筆有句不敢吐

顧嗣立

丘壑道已忘風雅事如土京華誇燕會一日或四五賓
主率應酬羶葷何足取尚書文章伯詩教東海溥宗班
移日下選將整旗鼓良辰文字飲新舊客參伍湘簾花
豔豔庭磚影過午瓶荷折江臯盆蘭種澧浦果珍八達
杏餐梨尚方腐傳看鴨綠研秀骨剗玉斧魚子塗硬黃
大字健如虎輕筆點雪山草木盡潑鹵明鏡頗黎瑩水
紋碧千縷四者見未曾

賜予出天府醉眼照陸離斜陽到堂廡趁涼過城南遊
興聊一賈車輕馬力驕雜還各飛舞招提臨路隅蕭散
結村塢憑軒懷故相登壇禮佛祖遙望風氏園積翠浮
天宇籬落無人行矮屋牽蘿補入門寒颼颼青天落疎
雨平地起伏龍徑廣相撐拄圓頂擁高蓋曲枝彎強弩
霜皮裂寸理空心積餘怒勢欲凌蒼穹老猶臥荒圃宛
如隆中人抱膝吟梁甫簿書堆山丘行動束規矩苟非
心跡清誰來披榛莽公言昔漁洋休沐于烏撫風流寫

新篇韻事傳收豎移席坐鄰槐行廚擘膾脯摩挲想陳
迹壯年樂堪數小子辱齒牙推獎到愚魯十年長史祠
賡唱滿簷柱窮途滯燕臺乃復接談塵依然籍湜輩清
嘯韓門聚塵懷頓消釋座膜鬚眉古投簡步芳躅胸臆
試一吐願公續長篇滄浪做漁父

張大受

載榼尋清幽看松識奇古新城罷官歸復從詩老聚淺
酌各開顏晚涼過梵宇逶迤綠樹陰似經江南雨長條

斜蜿蜒密葉百幢豎未能闕窮崖稍待風掀舞遠林墮
微紅逸氣欲吞吐頗臥隆中人長懷詠梁父宋公愛士
切白髮運匠斧分題到桓褐肅肅此斲撫鄰槐暎亦佳
不厭多領取此時滄浪荷水香衝漁艣翻思陪舊遊客

踪笑踽踽湘潭海內豪

陳滄洲

睢州見繩武

湯孟升

落落十

數士詞戰勇可賈公子翰林望授以白鷺塵所欠青溝

僧

謂盤山拙菴

入座恣仰俯名園四時花遠近出却鳩隨公

日眺賞羈旅未為苦醜舫

竹垞先生

書來招諸生散如羽南

選及丹楓醉樣吳江浦

楊開沅

東堂啓事餘觴咏闕庭戶招要及從游披襟散微暑
啜菽傳禁臠流匙滑石乳勝引愛良時杯行不待數仰瞻
賜書麗摩挲法器古陶然曦景西公興逾健舉聯步城
南隅平蕪霽疎雨名園傍梵宮虬松勢掀舞角髯之而
鱗奮迅首長俯一見怵奇絕延佇莫敢撫徐探肘腋間
蒼蔭閱重字鬱盤亦幕牽邃密茵席伍洗盞酒再酌劇

談森玉塵濤聲沸盈耳
謾謾如鐘鼓誰家絲竹音
獨許
彭宣覩

繆沅

中夏苦炎灼十日九風雨
桑乾高亢地卑溼過南土
新晴得佳招到門日未午
南臺休沐暇雙藤倚庭宇
口咏青琅玕手揮白玉塵
韓門舊生徒燦燦列廊廡
一枝空谷蘭綠香涼肺腑
擊窠瞻

寶書龍鳳勢軒翥黎祁與
宰九珍異誇食譜從公領
清

言妙諦吾有取

罷酒事登陟曲折過林莽
渟泓鏡奩波娟娟照著嫵
遙山映媯娥峰巒青可數
蒼涼龍泉寺涓滴驚玉乳
緇徒三五人鐘魚間粥鼓
穿雲小略約一徑翠蛟舞
怪松如草書盤攫軀幹古
據地龍衙衙尻起首頻俯
荒落葆性靈遠身脫斤斧
對此謝羈馮足悟養生主
鄰槐墮瓔珞碧棚張小塢
茶瓜復遲留拳石莽揩挂
日暮嘯煙歸松花落如雨

劉青藜

駛雨驅炎歊雲駮日吞吐微風吹九畹幽香散曠宇天
公真解事快此蘭臺聚滿堂盡豪俊碌碌何足數嘉筵
既忝預珍賜復幸覩餘興到龍泉怪松尋鄰圃盤拏低
俯地雲垂長虬舞洗盞坐其陰蒼翠清肺腑新詩出懷
袖健筆凌白甫伊昔山巨源風月時揮塵不聞啓事暇
更作竹林伍千秋留餘欠好待西陂補

李崢瑞

治安邁軒虞職業勤臯禹公來領銓衡吏事紛如雨清
通閱時賢簡要超前古退朝惟杜門暇日還揮塵絳紗
依然設帳畔生徒聚譚世侍樽罍彭戴環廊廡積陰氣
乍晴蔚藍見天宇虛室塵不生幽蘭香正吐公忽顧而
笑目有未嘗覩黃羅捧重重小胥勝海賈鏡明察秋毫
硯潤沾花雨戈法挺擘窠跳龍兼臥虎摩挲眼已飽况
復陳食譜珍異傳上方芳鮮出翠釜速未讓萍蘆清應
敵鍾乳酒酣披衣起夕陽在南浦但愛覓林泉何辭陟

榛莽城隅有法宮道可迂迴取聽梵出幽廊望松入荒
圃髯翁鱗甲老風霜耐凌侮夭矯枝擎雲輪困根離土
不污秦人封却逢陶公撫荒涼幾百載品題纔得主聲
疑幽澗鳴勢訝瘦蛟舞隔溪立叢槐詎足稱儕伍徘徊
戀濃陰曲折行小塢我聞京輦間名勝未勝數康樂屐
懶移元規興稀鼓煙霞付渺茫水石歸童豎非公丘壑
懷看山笏誰拄

喬崇烈

我昔住京師緇衣困軟土寄寓必僧寮怕路如怕虎以
此七公車蹤跡常踽踽來暮去輒先晦朔不及五婆婆
風氏松廿年未再撫平生了無恨念茲每莫補山公雅好
事逸興為新雨忘年集小友清言述前古餘韻塵既浥
幽芬蘭亦吐昭回出

聖藻光焰被衡宇磊磊及餘物

君思難悉數我從蓬蒿來一朝睹未睹是時雲漠漠漏
可屈未午挈榼城南遊招提拔灌莽故事說半甲

寺初
建時

得一泉泉出大鱗一時有巨鼓二為故法物列兩鼓相王文靖公所置驚

聞濤聲高左右欲挽弩始知十八公去此才數武躡履

亟相就不異故人聚浮雲幾蒼白散質謝斤斧別來看

更長上聲欲語畏羅縷已有鱗似龍寧無脂化琥鄰槐亦

已老翠棚愛撐拄歸意視夕陽歌音借蠻賈勿忘今日

樂塵埃暫弛組

吳陳琰

京雒好事稀一飯亦奇遇貴交堅閉門何暇問寒素賢

主有高丘佳客多，
依附長夏折簡招。
落落酒星聚我方，
病蹒跚疲馬強犇赴。
初筵設腐羹，
郇廚承異數。
仙藻更紛披，
五色慶雲護。
鏡可徹，
纖毫畫恐染寒具。
酒半話舊遊，
欲往慰遲暮。
風有山林心，
肯為宦海誤。
揚鞭各賈勇，
花宮晚鐘度。
落日淡無痕，
選勝輒少駐。
疎竹繞翠幢，
妙香生微悟。
南折風家園，
一松突當路。
橫空逞擎攫，
將墮仍撐拄。
癡龍睡不醒，
四百年如故。
相傳松為宋元間物
覆以二畝陰，
下有瑤席布。
攜尊洗醞酌，
復協醉翁趣。
忽焉吼風

濤蒼髯且無怒徑欲騎上天頃刻作霖雨兼約龍爪槐
披鱗軒乎舞蘊隆自茲銷一洗塵俗汚年年良會健請
君視此樹

嵇曾筠

綠樹蔭蒼苔輕風送疎雨東閣窈然深佳時逢夏五廣
平鐵石心獨擅梅花譜當暑愛冰清風雅頻揮塵高會
延四方舉觴勝飛羽菽腐出仙廚珍錯安足數榮光忽

燭天

睿筆蛟螭舞寵錫何便蕃房杜崇賢輔燦燦垂星辰淵
淵發鐘鼓逸興到精藍清陰過亭午名園百尺枝偃蓋
虬龍古下列水晶盤悠然坐瓊宇老幹薄丹青槐借
鄰圃卽席出新詩煙雲落秋浦此道魯靈光俯視庾開
府文章經濟兼衮職憑山甫

汪泰來

高譙不卜夜旨酒設亭午清言滌暑氛况復對香祖昔
從四方士觴咏集幕府自公旣歸朝諸生亦鱗聚舊舊德

冠清班眷注今房杜

奎章展籤軸仙藻襲繡黼琳瑯上方製乃得再披覩歲
月溯舊遊名蹟窮三輔座上抵掌談有若按圖譜指點
到城南風氏園松古漁洋品題後嘉名甲諸園斜日晚
涼生請隨公步武經行憩寺寮野色對村塢地僻苔無
痕疎籬插榛莽槎枒形狀奇知自何年樹虬蟠故作勢
螭臥低可撫蒼翠欲溼衣橫柯仰還俯曾聞慈仁松叅
天撼風雨我來已彫落濤聲寂廊廡此中老榦在靈光

猶峙魯西鄰誰氏槐稠葉結綠宇敲門如看竹去來那
問主幽尋公不倦引勝客鼓舞斯游倘流傳習池未足
數

沈 垞

曉來雲葉疎千峰卷殘雨藤陰納微涼荷花颭遠浦謝
公詩思發退食及亭午招攜舊生徒裙屐滿庭戶高論
洗蓬心妙香沁茶乳觥船一再巡精膳出翠釜大官授
方法未許傳食譜開函誇

寶書天光賦未覩賜予都瓌奇高尊而周盞乘閒想幽
尋選地城南鳴鐘梵隱林間共探清風宇山門草色青
小殿幡幢舞欄楯百个竹檀藥似南土更愛風氏園歲
久髯龍古一枝起攬天鬚鬚毛髮豎一枝橫曲几跏趺
木撐拄儼若支離叟頭低身偃儻雜坐豁塵襟滌滌清
音吐自我客京華七度過摩撫每伴逐涼人太息埋榛
莽何幸丹青手竭來作松主借取有聲畫寫做流樂府
牆西冑蟲槐柯老差足伍徙倚晚煙生殘陽穿鄰圃

成文昭

碌碌九達塵淨泥連朝雨凌兢鞭瘦馬倒載腐儒腐曰
赴山公招名流集參伍竹林富清暇騷雅得宗主湘箔
啓虛堂幽蘭淡亭午珍饌自郇廚不羨麟作脯

御墨飛名箋驚眼龍騰舞觥船捩醉餘逸興晚還鼓城
南境靜佳曲曲疑韋杜丞相禪悅地莊嚴薙榛莽咫尺
步野園主人姓氏古何年老蒼虬蟄此學僂偃擎雲懶
掉頭攫人欲伸股振鬣寒潭翻清風洗天宇意本釣詩

歌詎直逃斤斧我公陶謝手神巧發連弩萬物無遁形
沾灑醒聾聵况復小坡從夙擅詩中虎但可風月談昔
言饒有取小子願勉旃日侍玉柄塵

至

三年衣上塵一洗徹宵雨曉來逕草豐盆蘭亦初吐
呼童理茶鑪濃香炷數縷招邀諸素心納涼及亭午

華文

君賜誇瑣細話鄰圃共愛龍泉幽風氏園尤古向夕次

第過虬松快再覩恍若揖故交蒼髯笑掎取盤擊短
垣邊枝迴而榦俯青翠適當頭濤聲時暗鼓下可坐
百人蘚花繡根土酒戶我曹強餘勇頗能賈落景透
殘紅欲去手重撫偃蓋得未曾捎雲那足數牆西四
老槐離奇與松伍

溽暑讀史蕉飲黃門使滇集題卷尾二絕句

湖海襟期冰雪姿風流共說使滇時今朝怪底炎歊退

案有黃門一卷詩

把讀行吟喜欲顛箇中三昧許誰傳若教比調漁洋集
神韻真齊蜀道篇

奉答西陂先生見贈之作

公精鑒法書名畫側聞緒論故末章及之

史申義

野鶴山鷄自弄姿忽逢香象渡河時淫哇鄭衛當刪者
已被宣尼採作詩

行窮水渙與山巔王宋齊名萬口傳解向西陂求識字
略摹蠶尾不成篇

公望公才龍鳳姿明良一德慶今時
問鐘竹帛名難朽
清廟明堂合有詩

盡掃倪迂及米顛區區六一若為傳
推尋法物周秦上
博古應嗤石鼓篇

晚涼

晚涼疎雨罷風物屆新秋
無數溼螢閃幾株鄰樹幽
藤方攀輦下蘚欲鏟犁頭

范石湖有歸
鏟犁頭蘚句

未識家園裏葡萄

已實不

哈蜜
異種

次前韻

陳廷敬

蕭蕭花影動檐風，催早秋梁棲雙燕。
老簾度一螢，幽書

欲親黃妳

六朝人以書為黃妳

人誰共白頭，聞君感紈扇，緩置篋

中不

史夔

藤陰閒徙倚，別署愛清秋。
吏散文書靜，花香硯几幽。
夕嵐供點筆，啼鳥喚梳頭。
席帽紅塵客，能來領略不

周起渭

火雲新濯露河漢已先秋螢小穿簾冷莎長覆迳幽東
初繁樹底蟬欲老枝頭寂寞披襟坐織塵倘到不

砌藤深貯雨庭樹老懸秋便作山林想仍兼洞壑幽隼
旃歸畫省烏尾下城頭興發成高唱誰能繼此不

史申義

螢飛月暗夕蟬噪雨涼秋一徑草花密東偏門巷幽苔
侵金屈膝香潤玉搔頭肘後楞伽在跏趺得諦不

公深
於禪

悅

王式丹

過雨初銷暑當風已覺秋
晚開花朵淡夜語草蟲幽
露氣依青漢商聲感白頭
橫塘萬楊柳記得早春不

喬崇烈

涼風來木末蕭寺易臨秋
葛草空箱及苔花寄徑幽
家書嫌紙尾舊學怯詞頭
渺渺白雲下衰顏似昨不

恭次前韻簡荆山陸文峙公

至

微雲送疎雨蕭瑟逼初秋
籬落蛩聲動宵來聽處幽

清言思塵尾蒼鬢忝詞頭借問江鄉客鱸魚上釣不
秋日邀諸同人過聖安崇效二寺四首

柳湖古寺市南頭芳草閒房處處幽歲月已同遊伴改
依然文讌此中留

梅檀妙像拜餘芬往蹟消磨幾夕曛古槐自是金源物

不與長楸入舊聞

朱竹垞曰下舊聞
載長楸而遺古槐

無塵別境許重尋

崇效寺有楊忠烈
題無塵別境字

異代翻教託慨深

清詩滿壁迴環讀心折王劉兩翰林

方若
大山

藤花廳裏漫栖遲
尋寺看山有素期
多少閒官同返轡
一天秋月照哦詩

和前題

王式丹

尚書清興屬蕭晨
坐寺煙光浴主賓
莫訝門前駐車馬
官場自有愛閒人

已公茆屋足茶瓜
記得長安客裏家
五十年來重俯仰
當檐一樹馬櫻花

琳宮陽馬尚崔巍
碑版苔花對夕暉
多少停驂惆悵處

不須重問李宸妃

宋顯夫詩停驂惆悵聖安寺後堂空祀李宸妃

頭童楸樹草交加
別院荒涼噪晚鴉
尚有金源舊時物
牆根秋雨落槐花

撲棗僧寮隔市塵
縱橫墨蹟照秋旻
益津聲價當時重
未抵楊公千載人

東塗西抹為誰妍
腸腑栖塵不可湔
逢得山僧吟一語
便如花雨散諸天

曾趁春光碾小車
松龕風葉又秋初
莫言滿壁詩篇好

前度劉郎我不如

延清詩律壓羣賢
覽勝尋題每拍肩
媿比王筠詩十詠
麤知雌霓誦新篇

吳士玉

哦松朱夏涌秋濤
蕭寺涼生興轉豪
舊是城南聯句處
滿天詩色碧雲高

老槐陰合古楸長
碑訪金源跡已荒
一自宸妃香燼滅
蕭蕭僧影挂空堂

柳湖湖邊秋色賒
柳湖西去飄棗花
行來棗下歌纂纂
別境無塵噪晚鴉

誰道真人異散仙
公餘遊屐徧蒼煙
侯芭局冷追陪數
乞取飛霞試上天

繆沅

停雲回憶殿西頭
種樹參天翠色幽
五十年來一彈指
松風解帶復勾留

茶瓜鎮日挹清芬
槐老楸荒又夕曛
靈鷲飛來何處所

梅檀香已離知聞

湖煙柳翠香難尋轉入前山路轉深小隊初過挑菜園
緇徒迎出棗花林

讀書看碑歸去遲冷雲殘照有前期上都韻事先傳播
爭搨山公五字詩

郭元鈺

城南坊曲水雲虛秋樹如山繞佛居此地達官嫌寂寞
小輿唯過宋尚書

牆上籠詩有碧紗十年芋火舊僧伽聖安寺是尚書寺

不讓佳名擅棗花

王阮亭先生改崇
敝寺為棗花寺

半筵秋物有餘清茶屋香臺非世情昔日青樽無座客
重來白髮有門生

大雲春事法螺秋畫戟清香處處留多少江南舊煙雨
又隨佳句入紅樓

沈 琿

花落高槐蟬亂鳴東湖野寺試閒行從公一晌僧牕話

指點詩情約略生

何年花手禁中飛

寺中梅檀佛相傳是飛來者今為大內供養

舊刻梅檀竟

不歸除却長楸諳往事誰將香火說宸妃

畫壁雲深殿影秋
合昏花下重夷猶
不知幾閱曼陀雨
還為尊前舊識留

小車又過柳村西
繞寺秋風菜一畦
看畫嘗茶幽興劇
棗林煙暝草萋萋

無多墨蹟掩蛛塵
不與時賢巧鬪新
為語山僧好珍重

名銜猶感去來人

石欄點筆月初生
寒瘦何由許挂名
一段韓門奇絕處
尚書首唱野人賡

至

柳湖湖上起秋風
撰杖行來日已中
草草茶瓜供老
衲清言不涉輒塵紅

蕭森畫壁閃靈旗
佛拜梅檀立少時
惆悵宸妃曾祀
處長楸樹下讀殘碑

棗花古寺近西偏
棗子累累冒暮煙
一種城南荒廢地
爭從四字識前賢

憶陪蠶尾老尚書
棗剝空庭月上初
草色依然僧磬冷
夢回忽復十年餘

過萬泉寺

我生好遊老愈猛
馬上看山日引領
忽聞勝友說萬泉
此心便已落幽境
乘暇曉出右安門
兒子門生轡同整
閒坊曲徑遠市聲
堤柳溪花弄秋影
訪舊折入祖氏園

小憩藤輪敲松癭一亭欹斜波上留香送殘荷四望迴
佳處漸涉溼餘水傳道清流八百頃禪扉寂寞枕鸞環
沙策雙鳧睡交頸正逢野隻刈穉稭只少吳歌搖舴艋
老僧踏藕作清供冰雪堆盤風味永名花爛漫憶豐臺
社鼓喧闐厭中頂長歌此地即滄浪莫問長洲舊煙景
歸途更就退院僧一飯野蔬與村麩中秋看月訂怡園
無事諸君再三請

和前韻

王式丹

小駟牽車踏秋影近郊已覺殊人境清興適飛指萬泉
煙林夾路西南永雨零青隴菜分行雲菴黃塍稻垂穎
緣溪舊是祖家園板橋壓水人跡靜亭館蕭蕭浦澗荒
幾箇殘荷敲敗梗前途數折到寺門一派清池漾野景
池底泉源何處尋但見鳧雛散畦町招提金碧半凋零
古碑蔓草雙趺竝驚鴨內官留姓名成化年時誰記省
僧寮繙卷說支那聊遣煩憂暫時屏門前報道山公來
當階一笑趣已領諸君聯步意脩脩俛仰林塘望中騁

牆根散屨上崇岡萬樹梢頭出西嶺野馬排空嵐翠飛
迴照波光一千頃花時咫尺記豐臺醉臥紅香夢已醒
薰風轉眼動涼颺吹徹商聲合溟滓坐來清話僧兩三
雪色藕絲一椀冷茶煙禪榻小徘徊白日西斜暮天迴
歸途古剎復經過槐火石泉飽蒸餅塵中曾得幾清遊
撰杖追陪數相訂長鬚駢疊投新篇快若轆轤汲修綆
深慙浹月和歌遲震耳鯨銜手寸莛公餘興發更招邀
膏秣從公轡還整

吳士玉

戰詩興逐尋幽猛出郭一片秋光冷萬泉古寺東豐東
從公遊騎參差騁逶迤荒逕憇祖園亭倚衰荷頽不整
白楊幾樹生悲風颼颼涼雨灑人頂西路去覓舊草橋
涇餘之水滌千頃老僧傍岸闕禪棲野鴨浮波嬉斷梗
採藕充盤香色鮮雪霜入口勝玉井誰家獲稻聲蕭瑟
碧畦水與天相永憑高更挹西山翠遙空飛墮修蛾影
清秋佳日足登臨何當踏遍雲中嶺

顧嗣立

秋光著人發興猛一抹西山誰管領出城風物便蕭疎
幽趣終須踏禪境西陂先生愛佳日小隊穿花斜復整
老樹颼颼白晝風晴嵐烘染青天影祖家亭子水周遭
屈曲古藤怒垂瘦消夏曾經一再過紅雲平鋪蘸孤迥
祖氏莊荷花最勝今夏兩過之枯荷折葦像家鄉思入太湖三萬頃老
僧揖客指殘碑瘦面長身聳鶴頸門前野水三四尺那
得啣啞泛舴艋盤切藕絲白勝雪細嚼牙根鮮味永挂

策高墩辨碧雲爽氣青蔥生絕頂歸輿綏綏望平疇夕
陽閒照田家景軟脚頻傾賢聖杯澆腸旋煮龍鳳麩佳
節追陪多勝遊莫言王事有秋請

張大受

遊興晚兼詩力猛野色風香分管領右安門外屢停車
望絕埃塵歷清境人家梵宇畫參差綠柳斜行不須整
堤邊流水繞名園孤亭銜日沉山影掃枯松葉入茗鑪
甘泉可汲瓢生瘿草橋一菴環柳村十里溪光與鷗迴

藕絲切出涼於冰似種具區碧千頃西橫翠嶂仙人居
直假身騎黃鸝頸吳儂薄醉雙眼花跨馬歸如乘舴艋
公意未闌從敢後唵聲要入秋蟬永早成篇什冠詞場
那許後來居絕頂綠波杏照明扶搖不忘西陂好煙景
龍光遠壓石湖字魚可為羹麥作麩天留風雅付白頭
心愛家園未容請

繆沅

果下趨趨曉來猛導我看山趣獨領西陂自是飛仙人

籟雲已過招提境支筇殿角神倍王握手山房冠不整
高低坡隴聞稻香曲折林壑送秋影老柳衰荷水面亭
大瓢小杓松間瘦披榛斫莽尋萬泉山路崎嶇樂清迥
已無塵土三丈撲况有水雲一千頃高人從不受羈馭
野鶴尤能伸脰頸就中何可少禪悅此地端宜搖舴艋
藕香一瓣心骨清味似醍醐風韻永已見泉流白石根
還看月出孤松頂升高望遠腰脚健朶朶芙蓉臨倒景
香林解帶復勾留隨意村醪雜山麩輞川後約和裴王

窺園不待鶯三請

沈 垞

豆花雨過遙岑靚
曉約看山出畫省
爭從後乘到城南
天碧雲涼秋炯炯
誰家亭子入波心
冷翠遺香無管領
濠濮之間且小留
會心不覺塵事屏
蒼煙一簇祖莊西
遠水鱗鱗望眼醒
籠鞭度衍轉蓮塘
亂葉蘸波三十頃
參天老柳立汀沙
無數水田界畦町
稻穗垂垂沒鷺鷥
野鴨咬咬啞藻荇
蓼花小墜擺西風
一塢紅雲颭水影

趙昌徐熙寫未能天然王儲好詩境老僧解事占萬泉
安坐蒲團樂閉冷禪房不見花木深雪藕堆盤當瓜茗
出門西望何鬱蔥千巖紅綠鬪情景人言風物似江南
我亦錢唐有林嶺如此家山久不歸徒倚竟忘煙水冥
摩賤拈韻第七成甘避諸君才氣猛

時七人繼和
岑最後成

至

秋染園林風漸猛蕭瑟稻穗搖波影祖氏莊西涌萬
泉方罨水田三十頃人家生計等江南數鷺放鴨提

峇箸寺門頽落枕溪湑簇簇蓼花斜復整出泥冰藕
薦僧盤齒頰未動驚香冷鎮日西山潑翠來荒寒詩
色誰知領回首夕陽剩淺紅一聲清磬發深省

題陳相國午亭山村圖四絕句

太行西望鬱迢遙泉石爭傳午壁饒好把東山行樂處
調煙殺粉寫生綃

古寺山城轉處幽園開林麓勝盤洲行人指點晴嵐外
此是仙人十二樓

水雲容裔匝山家尺幅纔披野興賒待到武公年九十
再來攜杖看桃花

身居十丈輒紅內心在千重積翠間我亦小山有叢桂
只憑歸夢一躋攀

西陂先生題陳相國午亭山村圖有小山叢桂歸
夢躋攀之句敬和四首

宮友鹿

銓衡日署吏文書尚有閒心說遂初最憶西陂田一稜
連耜打麥網收魚

埋盆作沼可淹留，僦屋栽花事事幽。
朝市不曾妨作達，買山何必定菟裘。

茂苑山川宛畫圖，十年遊舫徧三吳。
不須更賦梁園雪，一曲居然賜鑑湖。

南城移宅對西山，排闥青來好破顏。
江左門生半京洛，籃輿扶引一躋攀。

次西苑唱和韻寄西陂先生
朱載震

經國勲庸雅頌詩，公才公望

聖人知兩江持節恩原渥一德交孚遇豈遲繩武衮衣

過里日

公三世節鉞從曾祖莊敏公為天官尚書公由商丘入都

同朝啓事戴星時

遙從天末瞻台斗為寫蠻箋繫遠思

奉答

忽接夔州以後詩老來宦况兩心知專銓

聖代余非望剖竹天涯爾遇遲麥瑞風謠傳此日

歲丙戌石

泉有麥秀十歧之瑞

藤陰酬倡定何時章江煙雨滄浪月往事徒

從待漏思

歲杪謝方山以杏村詩見寄即用集中喜阮亭攜
孫鄴下榻西堂韻

雪滿長安晝掩廬

故人馬頰

河名

羨幽居卅年契闊緣何

事十子風流每悵如

余昔與方山諸公稱長安十子

明月入懷驚好句

梅花繞座讀來書
白頭自顧疎慵甚
汀樹溪雲也待子

原倡

謝重輝

瓦雀連朝聒敝廬
故人小住慰窮居
白頭兄弟身無恙
繞膝孫枝玉不如
把酒倦談當世務
挑燈喜勘已殘書

年來廢學唯疎放，此日逢君重起予。

西郊

向曉西郊路，韶光入望幽。
日蒸沙氣動，風遞水紋柔。
白髮憐驅馬，青春愛吃牛。
江湖波浩蕩，無計逐輕鷗。

和前韻

王式丹

縱是喧車馬，長懷入境幽。
盪胸平野闊，吹面晚風柔。
市樹多歸鳥，投村有習牛。
陂塘饒暮景，吾意在沙鷗。
出郊春意早，即目得清幽。
綠入楊枝淺，青蘇菜甲柔。
迷

離誰覆鹿安穩是騎牛最愛忘機侶相將賦海鷗

宮友鹿

聞道西陂上春來竹樹幽明知宋云遠聊賦轡之柔

左傳

國子賦轡之柔矣遂
歸衛侯注古逸詩名宦路同驅馬詩編欲汗牛忘機心

自得隨處狎沙鷗

蔣仁錫

乘興來郊墅情恬景倍幽泥融莎徑軟風暖筍輿柔林
影晴飛鳥松陰午飯牛忘機隨所適便可狎沙鷗

夢舍弟之次日次前韻

喬崇烈

池塘前夜夢酌酒共宣幽詩本勞相憶蔬盤更拾柔花
番樊園樹人服許田牛為計梧岡鳳何如藻面鷗

春日有懷西陂次前韻

至

春到西陂早連宵歸夢幽搖村楊葉嫩傍岸鶻聲柔
水淥宜扳網莎青足飯牛自憐京維客不似點波鷗

夢西陂秋日

霜染丹林照綠波采菱歌繼采蓮歌可憐白首京華客

夢落西陂煙水多

和前韻

王式丹

一夢秋陂記碧波
低徊小拍石流歌
南和莫便懷歸切
賦就梅花歲月多

清凝去冰壺
更不波茶煙丈室
自高歌辦將雙履
春風裏野寺山亭花更多

喬崇烈

花落蒙籠溯洛波
江邊黃竹子頻歌
思鄉懷古年年事

不道今年白髮多

至

西陂西望足煙波聽徹漁家銅斗歌春夢秋歸偶題

句鶯花撩亂客思多

吉師老春夢秋歸故里詩
鶯起曉庭際鶯啼桃李花

西陂類稿卷十九

欽定四庫全書

西陂類稿卷二十

吏部尚書宋犖撰

藤陰酬倡集

盤谷拙道人以豆苗菜見寄用兒至韻答之

杏白松青地幽巖豆有苗盤餐足風味采擷訝迢遙煙
葉看仍脆香莖芼未消因之憶廬阜佳話記清宵

廬山亦有

此菜

和前韻

周起渭

盤谷與廬阜嘉蔬產豆苗芳香一種合南北兩山遙禪
悅有同味葷羶誠可消詩情喜嘗遍

浩翁詩自許詩情合得嘗

清咏

發中宵

王式丹

土膏春應候山隴豆抽苗此日嘗新好相思餉客遙飯
香良可佐酒渴亦憑消微物成追憶廬山似隔宵

宮友鹿

彷彿南山豆芳時已立苗摘歸春晚晚分送路迢遙籬
落雨初過筠籃露未消憐渠有生意芣食待深宵

列鼎烹珍膳操鏡採豆苗天淵雖隔闊鵬鷗各逍遙下
箸朝餐飽登梓宿酒消鄉廬荒舊圃因爾立中宵

喬崇烈

不荷金鴉久南山想舊苗闌干看寸寸荒穢付遙遙撐

拄應無負

方岳豆苗詩遠
莫致之長負腹

膏盲定未消

東坡書生說
食真膏盲

春

羹添故實高唱玉堂宵

劉輝祖

不是南山種東風暗助苗
捉攜煙露滿寄贈水雲遙
至味人如淡嘗新使意消
周顥愛佳句咀嚼坐深宵

蔣仁錫

開士金鴉背春山斲藥苗
食單如在野驛致未辭遙
葉尚含煙溼清宜薦酒消
吟成齋閣裏晏坐徹中宵

匡廬開府地清節比時苗
感舊風情託寧論南北遙
落萁形特肖然釜泣全消
好與巖棲者同禁平風雨宵

新詩絨讀罷焚研學君苗寫得山林景誰云陶謝遙野

田疑葉盛

陶詩葉盛
豆苗稀

幽壑見冰消借問登梓賞何如煨

芋宵

此首專
簡山言

郭元釘

聞道盤龍谷幽深長翠苗葉如戎菽細名引玉淵遙入
品應稱逸為羹旋欲消山公朝退後清興想連宵

木鉢安禪處清泉長嫩苗盤盂登味別支許寄情遙雲
甲何曾變山香久不消何須同碧藕雜選上春宵

平生學圃手未辨此佳苗小譜看如畫

西陵公疏示此菜甚詳

清

詩韻轉遙韭花春睡足菰菜旅情消欲待橋衡席清言

失禁宵

汪泰來

山蔬肥穀雨野豆摘春苗蓮社嘗來舊盤山寄處遙土
香渾未改酒渴已全消無那僧歸急詩成寫隔宵

李崢瑞

山深出佳產春摘野蔬苗恰得遠公送無煩盧阜遙清

須茶臼挹熱，賴蔗漿消。比似那勝此，應厭平晏坐宵。
試下何曾著，知勝筍蕨苗。萍虀難傲狎，鱸膾反嫌遙。午
夢無羊蹴，朝餐覺酒消。宜公就新句，肩聳向清宵。

原詩

至

小雨初晴候，空山長豆苗。殷勤道人意，百里寄來遥。
嫩綠寒猶卷，清香摘未消。好將一杯酒，感舊坐春宵。

舊有豆苗

菜倡和詩

聖安寺看楸花

長楸百尺蔭禪扉
花發清和香氣微
不知鳥散繁英落
只怪南風紫雪飛

前題

至

紫雪堆空當首夏
柳湖宿雨喜初晴
殘花不住枝頭落
矮樹還從腹內生
日射圍垣香乍動
煙籠小院氣偏清
連朝酒榼提攜遍
只欠南鄰棗下行

謂棗花寺

豐臺看芍藥

豐臺芍藥輦下奇
城南十里紛離披
連日陰霾忽晴霽

尋花車馬相攀迨東豐西豐花作海竹籬茅屋翻朝曦

相公之園

王文靖

衆香國一亭環繞皆燕姬提攜遊伴過

別塢展席呼酒夕照時狂香共挹老槐下一朶壓帽從

余嬉憶昔家居古竹圃花屏插就雲霞垂含清亭畔

江平

使院幾開讌當筵各關瓊琚詞此際吟懷得浩浩顛狂一

任旁人嗤寄語西陂灌園叟旦晚會有看花期

前題

王式丹

雨歇却坳沙路軟吹袂東風冷然善巾車小駐訪花師

正及春殘夏猶淺，千滕白白與朱朱。次第枝頭破春繭，
粉靨嬌黏露液融。霞裳豔拂煙絲卷，平生頗不戀繁華。
却為勾留重迴晒，昔年曾一到豐臺。金埒錦圓策疲蹇，

余往年遊豐臺有金埒錦圓之句

漫興揮來十二章飲，徒歌侶同沈酒。

長安合散比浮煙，且與風光共流轉。秋官去後孰論詩，

余有豐臺芍藥十二章曾見賞於司寇新城公

喜接山公清興展，花裏林邊布

席時冶態橫陳香，漫行舉觴四顧久。低徊細縵夕照相，
迎餞臨行折得數枝花。五色雲衣落并剪，便從燈下辦

詩忙坐對濃花毫自吮

西坡先生有詩云正值臺臺紅看花罷一時燈下辨詩忙

銓正合退之吟玉盃好是坡公撰捧詩欲和更踟躕

頭歲月生遙緬那得王微作賦才笑把一枝猶婉孌

宮友鹿

青陽少女催花信藥欄曉洗紅妝靚天公著意惜餘春
故遣奇芳為後勁劉攽舊譜三十二廣陵散絕從誰訊
北地風流稱自昔被除豔說風詩贈豐宜門坊草橋市
婪尾東皇傳甲令居人種花如種穀絡繹包原無地贖

四月遊人舉國狂車馬如流劇高興山公啓事有餘適
衆賓雜遝隨鞭鐙玉盃紫勝曉雲凝儷白駢紅朝日映
名種無勞金帶誇芳姿合遣姚黃聘錦幃橫陳不見後
十里惟看平野巨相國亭臺連舊閣園官籬落開新迳
盡醉尊前我不辭一枝插向繁霜鬢記取春風爛漫時
起舞會須賡病競

吳士玉

芍藥最數東西豐尚書載酒門生從風日清酣初破萼

繡谷十里攢芳叢，短籬曲徑披賞遍。名園步入花光濃，
朝雲英英鋪粉白，晚霞豔豔搖鉛紅。鈿車寶馬不知數，
喧蜂亂蝶俱怱怱。自昔從公醉使院，洛下珍卉來吳中。
含清名亭高會婪尾盛，倡妍酬麗年年同。十枝五枝鬪姿
媚，三朶兩朶標丰容。此處嬌花迺萬本，周圍錦浪亭浮
空。舉杯忽悟昌黎句，狂香浩態今相逢。

喬崇烈

我鄉芍藥世稱最，太守當年盛車蓋。一時花數偶符人

好事流傳說金帶此間名地維豐臺四月狂香吹菴鬪
玉輪寶馬人人過不少高陽一杯酌山公病愈呼我出
日淡風輕淨流璫千朶萬朶循巨觀一枝兩枝有微會
酒酣忽憶故園趣曲檻離披煙水外一官拘繫返何時
乞假嗟如船上瀨歸來更向瓶中看几上風光正無賴
擊壺燒燭已忘愁醉笑竹王輕漢大

顧嗣立

豐宜門外車遲遲遊人四月如雲癡羈心一春苦惆悵

笑口始見看花時
草橋接藍上柳色
田田荷葉抽清陂
西山斷處茆屋露
芭籬麕眼光參差
千枝萬枝自婀娜
露紅煙紫紛離披
相公花園更佳麗
入門連魄目去眇
分明置身錦繡谷
四座圍繞娉婷姿
西陂先生發興猛
消搖散步窮茅茨
行廚出酒話花海
往事一一陳商彝
隔牆老槐弄蔥蒨
綠陰入戶添鬢蒼
藉草雜坐獨醉倒
滿身疎影斜陽宜
誤疑秀埜一弓地
米囊錯綵空庭垂
金帶圍名最難得
歸路折取催新詩
何事揚州萬花會

金錢浪擲令人嗤

郭元鈞

都城舊說豐宜門出門十里蒼煙昏豐臺之名何所始
無臺但有花連村就中芍藥號尤盛香霞四月當晴暄
京華往來已五載未踏此地心煩冤今朝烏騾出翠甸
小棚半畝臨紅繁排頭繭栗尚嬌小姹女齧齒何嬋媛
猶聞綠野闕幽事數十萬本叢環琨欵門請看久始入
果有異境藏丘園風鋪霞縵不可捲熨帖颺濫如無根

朱欄百曲入花街，溫香熟美熏衣禪。錦窠香海不可得。

此地乃有花乾坤，人間美好豈濫獲。一枝已足當階翻。

何為千花復萬朵，不辨香色栽籬藩。春風搖蕩等燕麥。

坐使國豔傷心魂，山公臨風展襟韻。稱與花相鳴荒壠。

李茶陵詩持杯勸花相 從遊袞袞盡名彥，玉堂宴賞風流存。明天順間

李賢等有玉堂賞花集 是時輞川遇摩詰，攜家借墅高情騫。少宗伯瑁

湖王公開 風流二老步相接，巡簷吟嘯詩清溫。楚狂小

子被花惱，狂香之側為狂言。昌黎芍藥詩浩態狂香昔未逢吳荆山吉士舉此以

評因花景象大合樽前醉倒歌者誰
楚狂小子韓退之亦昌黎芍藥句也江鄉已無萬花會

合來此地傾芳樽樽前且倒勿相謔金團幾朶何足論

沈 璿

百舌聲老月過三枝頭
齒栗春尾婪豐臺風光正邀勒
遊花冠蓋南城南蜂蝶前驅鶯燕鬧
黎雲冉冉紅酣酣
王園萬本更奇絕蓬萊一宮花
海涵雲階月地仙馭列
綵旄絳節紛相參雨洗凝脂分外白
態醺卯酒天然愁
花侯花相漫題品較之姚魏青於藍
賴公鳳箋為收拾

穠姿貴綵詩中含我本臞儒斷結習對此香色迷瞿曇
飲餘跋馬不忍去帽檐一朵從人簪

至

花事怱怱剝芍藥右安門外車輪錯十里豐臺錦繡
窩粉雲零亂紅霞落朝分萬朶佐賓筵暮翦千頭供
畫閣浩態狂香倍可人詎使春歸歎索寞我家小圃
宋城東丹山雛鳳芍藥名紛栖託六載騎驢踏軟塵芳
時應被花神噓數枝買得破羈愁小貯銅瓶頗不惡

清吟冷嗅到三更夢入鄉園披露萼

拙道人再以豆苗菹見寄分送諸公竝答道人

又拜山菹自上方幾莖吟社許分嘗正值豐臺看花罷
一時燈下辦詩忙

前題

周起渭

蔬品傳來自上方風流太宰造分嘗便教翦燭裁詩答
撚斷髭鬚為口忙

醫治詩句有奇方香草湏教取次嘗痛嗽此蔬兼飲酒

愁魔今夜一奔忙

坡公詩愁魔得酒暫奔忙

王式丹

小擘吟牋數寸方嘉蒞分送喜新嘗尚書風格清如許

莫笑平生為口忙

坡公句自笑平生為口忙

喬崇烈

公示豆苗詩復送豆苗菜莖葉何青青香脆曾未改摘
擷緬白雲山趾及溪背頃筐課髡塞解籜括庵菱封題
遠餉公分食逮我輩長安盛苦苴已箸連編闡我昔誤

一食厥刺戒膺肺念彼山中人食此大自在徑須從之
遊悠然詠采采

李崢瑞

方外調蔬別有方鬆腴應勝鬪烹嘗段家食品荀家饌
却笑徒求異味忙

菽乳纔傳自上方清菹又許客同嘗誰知謝傅稱詩好
不礙山公啓事忙

郭元鈺

山菜居然冠朔方
繞牙清脆得新嘗
祇憐三韭無風味
添與齋廚一日忙

碧葉膏肥真似豆
清香酷烈勝於蘭
尚書不獨分甘旨
要使門生議食單

恨無郵使寄將歸
分送幽鄰識者稀
一昔鄉心憑翠葉
水村春雨豆花肥

登舟留別牧仲太宰

陳廷敬

御溝屬瀛海
馳道連大川
流澌及晨潮
解纜春風前
湖

江渺萬里似攬崑崙源巍巍居崇高下念臨深淵羽衛
靜無聲波濤平不諠息慮寡朝謁離羣曠周旋旣慙隱
淪樂尚慕肥遯賢別意方超忽贈處昔所敦

午亭先生扈從南行途次以鴻篇見寄次韻奉答

淮泗議疏鑿

六御臨長川左右資良弼

詔附龍舸前風颿漾春旭信宿經清源省務阻瞻送津
鼓懷淵淵我公發高唱頓息迴波諠遙枉琳珪贈壇坫

儼周旋生平鄙吝消端賴雲陞賢申章企會合白首情
彌敦

七月十五夜過慈仁寺成周卜寓齋看月

入寺尋明月高空過雨時溼煙開古閣靜影踏疎枝清
興秋來發深杯老不辭歸途燈萬點荷葉碧參差

是日
兒童

舞荷燈為
京師舊習

次前韻

崑瑞

地僻秋生處天空月上時好風微到袂棲鳥不驚枝塵

淨談應起杯深醉莫辭宵分更流彩雲影未參差

陳琰

昨愛雨餘月

前一日看月
山言寓齋

今逢月滿時燈搖擎露蓋鴉

墮礙巢枝地僻談無忌秋清醉莫辭夜分鐘梵歇吹出

玉參差

嗣立

古寺初秋後涼宵乍霽時話深鐘到院坐久月當枝把
酒嘗新果移燈讀古辭孟蘭人未散歸騎聽參差

秦來

秋月初圓夜僧寮晚霽時清光銷薄霧涼露綴疎枝
庾令南樓興蘇公水調辭勝情忘漏永觥影照參差

文昭

雨後新秋好涼生月上時疎風傳晚梵濃露匝深枝
白傳情偏逸山公醉不辭披襟移席處杯浪綠參差

至

雨勢宵來歇僧寮挂月時故人成小飲涼露滴高枝

頓切投閒意爭吟絕妙辭天街燈火靜聽徹玉參差
上自塞外網得松花江魚遣使進獻

皇太后分

賜九卿有差臣榮得拜四尾敬賦二首

江色松花冷文鱗出網肥使星馳絕塞方物獻

慈闈畫省承

思渥新詩紀盛揮白頭藤蔭下不少素餐譏

詎數江鱗美春秋薦

寢園

陵廟時享
必用此魚

拜歸肅家祭烹出集高軒
松釀當牆過

霜花點座繁

宸章仰魚麥

上賜魚
麥堂類

清夢到荒邨

次前韻

陳琰

大漢秋江閣名魚二尺肥
分鮮自

行在拜賜出宮闈
正席腥先薦飛觴著
欲揮曾叨關外

鯉飽食恐貽譏

前年冬琰曾拜
東鯉之賜

珍重天家味攜來祇樹園

時遊天寧寺
出以共嘗

鳴薑離翠釜香

鱸溢雕軒縷切銀花細紛霏雪片繁和羹手親試莫憶
淶波邨

九日陪西陂先生暨諸君登毘盧閣飲樵沙道院

陳琰

一年幾佳辰浮生徒勞攘宋玉懶悲秋重九期無曠言
指毘盧閣殿古仍宏壯偃僂搨衣裳危梯取次上攀躋
憶吾曾見聞若新翔俯視但鴻濛焉能辨所向稍覺疎
林外隱隱聞樵唱大哉黃金闕鬱蔥氣何王煙散西山

明紫翠千萬狀迴策遊樵沙羽化寧欺誑一醉乘松風
欲擲盧公杖飄飄吾亦仙宿因未曾忘

和前題

昨為郭外花宮遊

天字寺

塔外松風劇蕭曠別來三日軟

塵中鈴語猶聞耳畔颺今辰興發作重九共躡慈仁高
閣上盛明七子此振衣詩句流傳競弘壯邇來松死遊
亦稀霄漢我曹任俯仰嵯峨宮闕駕方蓬迢遞雲山儼
屏障憑欄一嘯涼颺吹宦况羈愁盡驅放我過七十望

八十登頓雖煩神逾王更從別巷訪樵沙道院幽幽愜
微尚到門鳥語訝梭鳴行地桐陰疑水漲仙壇屢事文
字飲此際追攀得哲匠兒孫侍行頗解事采菊荒園導
印杖攜來

御賜松花魚分噉還期發高唱道人尸解已百年

萬歷朝有

道人號體物
子尸解於此鬱鬱孤墳仍在望呼之或出松楸間濁酒

一瓢好相餉風林織月且徘徊脫却長安冠蓋樣

劉灝

公昔建節三吳時手闢滄浪遂高曠公今入為六卿長
心與雲煙遙蕩颺載酒常尋老樹邊吟詩獨立浮圖上
朝坐持衡鑑自明暮歸蠟屐神猶壯屏騎散步路人驚
呼為地仙爭攀仰聞昨重陽登傑閣憑闌飽看青霞障
雲高秋野鶚鵬盤日落煙村雞犬放薊丘險地古漁陽
戰守千秋幾霸王荆榛臺下弔燕昭風雨雲中懷魏尚
興來掃壁恣揮毫瀕洞勢如江水漲同遊賓佐束手觀
引墨操斤仰大匠籬外黃花如解人葳蕤故遶蒲萄杖

顧我忝為王翰鄰，隔牆往往聞清唱。
涇流河伯敢欣然，面目向洋聊一望。
蜀箋豈但木瓜投，似把天漿充餽餉。
和詩持報屢逡巡，欲畫葫蘆難依樣。

元鈞

人生重九信佳節，帝里逢之亦閒曠。
黃花得氣要晴暄，不遣滿城風雨颺。
是中古寺密於薺，多有樓臺寫清壯。
登高半是天涯客，三尺丘陵亦爭上。
尚書翠袖拂涼旻，秋閣高吟萬夫望。
白鬢紅頰八座尊，步屨登臨事真勑。

門生熱喘如簫吹，坐訝飛行空。所向豈知逸興未渠央，
放筆裁詩神更王。樵沙道院上真前，酒觥經魚亦佳狀。
頽然嘯詠足清音，絲竹何須發妍唱。呂家亭子虛浪跡，
未得銀筵撰藤杖。酒邊誰是吐茵人，落帽叅軍翻舊樣。

樽瑞

蕭晨逼搖落，羈客空首搔。那能著短屐，但欲歌離騷。廣
平具好懷，車前屏旄旒。酷愛覽觀適，都忘登陟勞。傑閣
凌層空，四達瞻周遭。煙生出遠岫，鴈下連寒濤。蒼茫入

無際秋色何滔滔日斜興未稀更起尋林臯城隅有道
院地僻離塵囂踈黃墮鴨脚淨綠浮篔簹魚來松花江
公出 御賜松
花江魚噉客風味勝蟹螯傍籬旣采菊捉筆還題糕
龍山傳往事千載推人豪不落孟生帽且舖屈子糟公
歡顧而笑我官豈冷曹長安曾幾輩今日閒登高

賦得重陽寒寺滿秋梧

草草登高興未酬還尋蕭寺一林秋寒柯遍向香臺覆
破葉仍看玉露流洗罷清陰留滿院倚來涼吹引閒謳

自憐老去無拘束黃菊何妨插白頭

次前韻

陳琰

佳節花宮互獻酬高梧蕭撼四山秋碧陰三畝掩荒逕
黃葉半林飛亂流疎雨滴應消薄醉寒蛩吟欲伴清謳
風枝戛處閒僧笑破帽吹餘莫戀頭

送李少司空貞孟

予告還柘城

司空致政名全五老風流繼昔賢白髮清時方待漏

黃花斜照又離筵
詩歌共羨歸裝滿
車騎偏宜畫手傳
他日望衡尋舊隱
溫河同上打魚船

前題

至

白髮心情

聖主憐閒身
乞得守林泉
名傳殿上韓
公最社結
睢陽杜老先
篋裏

天書誇族黨
雨中鳩杖話
桑田他年問
字雲亭去
清酒盈尊祝
大年

小除日漫堂讌集詩序

灑

康熙丁亥歲除前一日太宰商丘公召其通家子及門
生凡若干人合饗於邸第之漫堂衆賓旣集子姓侍側
公舉觴謂坐人曰昔合肥龔端毅宛平王文貞兩公每
以除夕會賓僚其家為守歲之飲嗣後長洲汪堯峰新
城王阮亭猶踵其事前輩凋謝廢墜到今茲焉讌集冀
續前休於是盍簪列炬以次就位燔炮馘炙方物盈俎
觥籌酬酢匪疾匪徐嘗讀王子安守歲序云年鬢將晚

志事零落對他鄉之風景憶故里之琴歌斯蓋羈人旅
士感時觸緒之恒情也若乃登孫弘之閣舉孔融之尊
禮成於曠歡洽於同行行從容笑語卒獲四座之人如
比閭族黨饗蜡伏臘各忘其身之淹而志之鬱今夕何
夕昔人陋已於時公詩先成鏗鏘之韻旁達軒楹灑以
病止飲已數年是日醉焉乃拊缶為秦聲其詞曰歲序
忽已盡去日不可招萬壑趨溟渤繁星依斗杓非公敦
懿義誰憐歲寒凋廣筵列芳酌紫衣將蘭肴道契跡自

親宣惟頌春椒風徽緬曩哲百年有今宵一聆大雅曲
羈思忘飄搖迺知君子心化人如簫韶奉公千萬壽願
言鎮浮囂歌既闋復顧謂同座曰公年今七十有五而
康強矍鑠纔如五六十歲人弘獎風流百年未艾獨念
我輩聚散若雲煙寧能歲歲登斯堂舉茲觴耶則今茲
之會可無紀述以求公德且俾後之來者知某某曾與
於斯也

燕集詩

少陵歲暮詩陰陽數轉轂奔走九陌中逾覺去日速誰
從冰雪窟寸心盟幽獨憶昔開國時前輩許接躅南北

兩巨公

龔端毅
王大貞

守歲酒頻漉汪王後來哲

克峰
阮亭

踵事韻

不俗老我趨省閨彥會偶一續招邀吟社侶無待長鬚
促食單集方物頗亦窮水陸灤鯉登盤美汾酒開瓶馥
紫茵與黃雀瑣細風味足觴行一灑然胸塵洗十斛起
觀壁間畫春色滿巖谷如覩滄浪亭兼挹匡廬瀑借問
輦下賢有此勝情不煖房花雖繁生意困縛束東風幾

日來樵沙杏吐玉相將更一探豫出佳題目

式丹

鵬尾未破春一歲殘一夕虛堂耿寒光梅花香著莫山
公興味佳餞歲聚詩客此風念已杳九衢塵空積龔汪
與二王先後慨陳迹復此文字飲槃按照幕帶水陸壓
段珍穀蒸麗蘭籍三爵接談諧四壁賞古蹟把卷誦清
芬文康遺手澤書題關世變毫素感今昔起步更促坐
汾酒甕初坼名耐不虛傳深杯乃絡繹清煙吐燭花微

颺動簾額節序赴壑蛇

坡公守歲詩語

新舊幾遷易東坡歲暮

篇三和憶風格忽忽三十年此日足可惜

坡公歲暮三首丹三十年

來凡三屬和

今幸遊師門唱酬奉硯席山阿拾香草雲津弄

瑤碧隨時境皆佳覓句地無擇行將踏春燕東風傍輕

策

友鹿

晚晚歲云除羲馭不停晷土風重時令市肆正填委况
此都城中人海鬧如螳前術籠百貨後術馳九軌喧闐

迎年鼓騰踏看燈市軟紅高十丈灰洞差可擬出門不
仆蹶衣衫亦塵滓食事尤荒唐略與隴饌比饋節趨鈴
騶名客封羊豕餽餅壓貊盤饌花飭方簋山蔥與澤蒜
未噉頰已泚顧我窮薄官齏鹽嚼宮徵冬冰斧作糜鼎
食竟安企屬以休沐暇闌闌厭轉徙科頭坐下春擁被
得晏起何來剝啄聲赤幟走胥吏吾師修故事徵召共
諸子連朝食指動趨赴欲倒屣圍爐獸炭紅款坐蠟花紫
廚人方欲清銷器聲入耳菜雞抹作鮮韭蒔風味美巨

觥斟羊羔老枕斫灤鯉鮓魚生可致驛送已千里一餉
良足樂萬錢詎云侈放箸腹果然老饕信吾以酒闌燭
未跋談清掌猶抵文康手澤存煙雲紫側理敬觀聊一
過典型追正始曲房護羣葩火迫綻霜蕊東皇來有信
濃香豔桃李稍待春融怡西城陪杖履分日理行策聯
袂出郊鄙摩訶菴裏花玉泉寺頭水清遊要及辰取次

韻言紀

陳琰

一歲行盡矣萬感了無益紙牕竹屋間青燈太闕寂坡
公無聊語佳趣何從覓商丘雅好事大會能詩客足散
羈人懷兼踵前賢跡明宵任藏鈞今夜恣浮白守歲何
所談風月外俱斥吁嗟古道亡長安非曩昔自述公卿
貧誰負風雅癖餽歲無具丈傳柑成虛席有文不送窮
安用千篇積有詩徒設祭苦心一笑擲約略終歲功酬
應最可惜今日良宴會聞者驚竊獲門前塞車馬階下
錯履烏才皆掣龍虎歌欲裂金石作此不急務鄰巷爭

嘖嘖爾時春事遲寒威起肘腋何來暎律吹陽氣盈大

宅唐花破蓓蕾晉酒泛琥珀

時飲酒

酒堂懸文會圖坐對

古裙屐西園儼未散南皮亦咫尺笑語若可呼賭茗或

關奕食單非燒尾方法勝膾炙知味不知名半勞遠人

驛只餘一私憾病夫口不適觀飲興亦酣雄辨氣欲激

突傳江鄉信旱後人民厄饑寒徧閭閻盜賊肆橫逆坐

客色然驚欲歸苦無策我謂天可回杞人徒滋戚

聖主及良佐蚤夜定區畫但醉無多言今夕是何夕

嶠瑞

北陸未迴陽西山尚飛霰栗烈氣方寒崢嶸歲又晏明
宵當守歲今夕誰家先山公饒勝情愛士心無倦暫得
歇啓事早思集羣彥筵開具方物風味種種善詎闕何
曾廚自兼羊曼饌花房更加煖繁萼枝間綻爭分龍腦
馨寧輸馬塍絢時節不虛擲典型諸老擅爛漫椒辛盤
沉酣文字戰此日事猶傳何年風遂變詞場一燈在不
絕今如線高調唱白雪好詞續黃絹非公踵昔賢風流

那重見

林 佶

憶昔初至吳公方理藩政春風綠牡丹薇省聯高詠爾
時東南士望公如斗柄嗣聞撫西江茄鼓賦競病潛消
反側心深契湖山性及再移吳會坐鎮崇清靜文教事
昭宣繁華俗黜屏節鉞十三年心比滄浪淨邇者陟天
卿喉舌巽申命人才羅夾袋銓叙澄明鏡素絲退食餘
風雅資涵泳開尊集名流守歲協家慶簋陳方物錯瓊

挈醪醖迸良會既懽駢新詩絕幽夔鼓吹張休明激揚
崇雅正承平前輩韻故事遙相映懷新念舊歡慰感忽
交併年華如轉轂歲月易馳騁非公嗣芳徽誰為煦冬
清翻因雅集同回溯流風盛玉河請車下半菟為壽竟
西涯有佳話傳聞生肅敬惟公恢昔賢賡颺弼明聖燮
調玉燭光不棄短燈檠愛古豈薄今直道還孤行走湜
與僵籍抗手得王竝序當小除前論從月旦評春生綠
醕濃寒洩細梅靚窮應送去休福自邀新迎東皇取次

來馳騎花間橫載和嬉春體敢辭盤空硬

合尊餞歲列賓筵文燕清娛踵昔賢都下名流羅俊及
盤中方物品芳鮮臘殘纔換大寒節景淑先來小盡年
滿室春花占得氣春風取次更留連

圖書插架笏堆牀掃地焚香雅興長久識中原文獻在
更占黃道斗杓光章門相業詩三世王氏通天帖一囊
韓范功名燕許筆幾家閱閱敢論量

十年蹤跡等浮萍六載殘冬客上京略見風流前輩韻

猶聞宛洛舊人情時當歲杪周星轉運際承平四海清
東閣留賓守除夕楷模還仰繼儀型

人中麟鳳文中虎霞蔚雲蒸聚此都歲序崢嶸忽已晚
風塵荏苒孰相娛汾香滄辣頻開甕灤鯉菜雞更飭廚
促席從公談舊事新詩傳與後人圖

大受

長安歲除逼人意寒於冰山公雅好事開閣筵張燈珍
羞備川陸此腹頗能勝頽然飲徑醉旨酒歌如澠起行

披書惟花氣春風蒸慷慨念前哲佳晨會賓朋高譚經
世業餘事篇章稱後生附雲路故典今可徵無為傷暮
景歡樂時方乘江南繁盛地早潦忽頻仍從公燕京洛
百慮茲迺興日月行迅速客子歸未能朗詠慰今昔清
霜映鬢髻

鵬年

古人重歲除流光慨轉轂椒盤列華炬繼此白日速恭
聞有脚春惠澤及輓獨鉅公啓沃餘風流擅芳躅置

驛召賓僚瓊筵酒頻漉顧我文園病自覩殊惡俗佳辰
一向隅後會安可續因思窮簷士歲暮多刺促誰能庇
廣厦毋俾舟推陸城東屋數椽茗香畫芬馥憂痒念邁
閔雨露濡已足獨憐定省缺莫釋愁萬斛努力祈青皇
陽和遍黍谷手掬西山雲衣露洞門瀑逍遙詠歸信更
許追從不幽期惜蹉跎佳賞愁縛束顧瞻春風座階庭
滿蘭玉崇班頌天老羣賢藉題目

副立

百貨堆九衢家家寂如水閉門送殘年寒風出戶裏尚
書晚邀呼別歲交烏履滿堂盡毫翰壁畫淨琴几都城
夜喧譁韻事那得此盆梅逗暗香薄霰點寒蕊

臘盡凍仍緊春風未漏洩綵燈轉華堂簾垂火愈烈
器既紛陳方物更羅列食品膳夫經羔兒酒味別脫略
寬禮文小飯兼大歡莫傷歲遲暮良會且歡悅

此日修故事前輩不可期維公數曩哲當年親見之往
者歎零落存者傷別離攔街撾更鼓寒燈影遲遲登壇

首高唱桐華思紛披清聲激金石喧傳看新詩

昔年侍吳閩菜雞歲相餉

丁丑歲除有謝餉菜雞詩

歔歔滄浪水渺

然雲漢上水旱召萑蒲伊誰作保障家書故鄉來中丞
永弗忘不才滯書局得隨籍浚行厯頭止一日爛醉拚
盡量

士玉

伊余入京華歲除已逼三窮年事編刻兀兀書中蟬茲
晨得休暇如壯馬脫銜屬公高興發招邀盍朋簪紅爐

圍綺宴方物羅朔南汾酒灤河魚割鮮關芳甘試嘗披
綿雀更覺鄉思添急觴盪煩慮正襟聆雄談風流滌龔
王王汪亦驂驪後生困塵縛勝情疇復諳矧公海鶴姿
濟勝雅所兼春風生杖履花事先期探

泰來

歲月新舊催修蛇望壑赴此歲一日剩客裏三年度尚
書晚肆筵守歲修典故爐獅蹲馥紅雪繭沉煙炷八簋
旣羅列食前方物具酒清秬稻香對之觸南顧吳田失

西成此樂未易遇人事改疇昔曷以娛歲暮思公不可
忘有如奪乳哺吾儕尚飽德毋乃異寒煦風流數前輩
琅玕生咳吐明燭照丹顏神仙主瑤圃竟席意不罷矍
鑠天所賦歡宴永今夕花期復遙滌勝事當追隨步履
春風路

儲在文

四序將更始月窮而星回我公順時令守歲華堂開遂
於均國暇觴詠會羣才四座挹高言已覺春風來異味

窮水陸旨酒盈樽罌相將樂未央今宵去難追

鬱鬱庭下松脩脩檻中竹共此歲寒心臨風韻夏玉公
言壯盛時彥會踵相續鴻辭逼歲除錯落爛雙日俛仰
六十年人事如車轂惟公壽而康風雅事所獨

濟濟衆君子雜佩皆夜光更聞羣從賢新詞奏笙簧接
席一堂上文史何汪洋盃觴間談笑浩思坐飄颺我公
吟懷發撫時自歌商誰將冰雪姿仰酬金玉章

三年京洛塵又見歲云暮朝來登公堂旅愁風捲霧几

橫萬卷間寒梅一枝護乃知勲業崇冲懷在幽素高會
眇難儔明時良易度千秋願若斯歲歲從公賦

玢

黃宮應兩月官厯餘一行尚書修故事高會招王楊銀
筵蠟如燼櫪馬爭徬徨敕廚致珍饌品數客未嘗花瓷
瀉羔兒入手破鼻香玢也來京輦八年三徑荒每因節
物改車輪轉中腸不圖蘧夢中如挹金梨漿既醉客愁
醒那復辨他鄉矧公笑語溫几席生春光不待健步移

梅花吐座傍津津說當年前輩風味長開樽同守歲鵝
鶴為之張通來耆舊散聲利徒奔忙豈知東方星太白
獨煌煌盛事有今夕千載記斯堂

元鈞

逆旅歲云除光陰亦如客臘尾得大盡乃有小除夕自
公得休暇曠欲排羽翮出門無所之誰為阿戎宅尚書
開華筵明鐙盃冠幘四座皆老蒼屠蘇愧先獲春盤多
異饌茫不辨菽麥爛蒸菜州雞縷切灤水鯽江南黃雀

肥山東湯餅白人皆薄海彥器有殊方食非徒醉葷羶
因之養風格歡酣意未足留客復改席評詩兼看畫清
興有餘適珠韜韞明輝錦軸展遺蹟恭惟文康公股肱
弼台德當年政事堂天下仰赤烏至今海寓內嘉謨飫
膏澤龍鸞舞綠素髣髴圭璋色霸爽歸帝旁菁英在點
畫拜看肅衣袂敢不步跼踏韋平世業長三事在一室
我公魚水分豈不過疇昔黃閣即奮庸朱門看烏奕一
士飽不難蒼生仰安石

仁錫

天運當歸餘人情重暮節迅飈催急景百感紛如結憶
昔侍漁洋高情緬曩哲韻拈常侍詩唱酬出更迭一從
歸田來此事久歇絕舊雨隨晨星念之肺肝熱英英商
丘公文采當朝傑休沐踵前修招邀簡頻折入座多勝
流芳醴觥心凸觴行間珍錯金盤飛素雪伊余性寡諧
豈以醉飽悅仰止大雅棟委心不敢媿抗懷千載名謝
彼九衢轍東風時一披花柳齊舒纈春波展縠紋春山

露環玦何當撰杖從登臨恣搜抉旨格辨風騷就公叩
真訣

王圖炳

憶昔聚星堂冰雪碾輪轂深杯寒可銷佳客來不速號
令詩壇嚴風流醉翁獨遂使門下士白戰慕高躅吾師
掌邦治和膏盛滲漉淡泊鮮嗜好酸醎迴絕俗鎖印有
餘清觴詠古歡續春遲臘鼓催夜久銅壺促家琛集許
燕國彥會潘陸紅燈翠幕間梅竹幽以馥懷哉舊雨多

原唱枉懷合肥宛平堯峰
新城諸鉅公守歲之會
樂此勝情足即事賦長篇原

泉湧萬斛譬如觀滄溟朝宗納川谷又若三峽橋天半
晴飛瀑試問躡青冥寧有階梯不勉和調刁音避席手
頻東隨門敢獻珠楚肆難銜玉悉索笑饋歲砮硃雜魚

目用東
坡句

至

我愛開先僧壁心朋情何繾綣每當歲之除殘札羅儿

案曰別故人久檢閱當會面矧共京雒遊而不時相

見向夕走家童委巷招邀過迂辛與短李騎驢赴款
宴石花雙鯉魚冰盤促首薦蠟黃菜雞肋肪白東鵝
片字裂頰團餅縷切銀絲麵鄉味及方物廚娘取次
辦關箸俄已空汾酒行無算或與話交遊或與說鄉
縣或以肩相倚或以拇自銜宛若雅集圖西園豈獨
擅憶昔丙子年大雪深沒衙門前罕車馬九陌鋪江
練好客王新城燒燈當夜半雪事任闔分余賦王之
渙回首忽一紀舊雨多星散忘形剩我曹得酒丞應

勸年華不少留頭銜何須換好待春雪飛還期共白
戰

過銀錠橋舊居

鼓樓西接後湖灣銀錠橋橫夕照間不盡滄波連太液
依然晴翠送遙山舊時院落松槐在僊境笙簧歲月閒
白首鍊師茶話久春風料峭暮鷗還

和前韻

岑

長橋如畫枕銀灣舊路沙痕想像間巷裏幾更春燕主

水邊仍對夕陽山風煙喬木蒼龍老鐘鼓靈壇白鶴閒
正欲淹留追昔夢滿城鴉雀故催還

早春遊高元殿

岩亭殿閣御河清早歲來遊太乙祠一自世宗留法駕
幾經元老進青詞僊壇寂寞簫聲歇深院陰森柏影移
常日閉門春色裏碧桃開落少人知

和前韻

嶠瑞

殿峙西華照水清世宗當日望仙祠纔教張桂爭新禮

更遣徐袁進麗詞鶴影已隨雲氣滅松陰猶趁日光移
雷壇劔室依俛在雖有中涓問不知

春日雪後西苑啓事

晶瑩雪色帶雲沙啓事郊宮聽曉鴉天外羣峰真削玉
苑中春樹乍開花攀藤日下情愈戀種麥原頭興自
賒好待天桃紅潑眼詩瓢酌酒送年華

和前韻

變

別句晴風漾白沙上林初日散宮鴉藍田向暖猶生玉

苑樹逢春已作花
丹鳳樓前班未捲
金魚館裏酒頻賒
新年細草皆霑澤
不獨蒼官領歲華

陳琰

一宵飛雪壓塵沙
車出城西起曙鴉
破凍冰生溝外水
暗香風動禁中花
郊宮退食蔬堪飽
山店衝寒酒可賒
預識今年書大有
普天佳氣兆京華

元鈞

細玉羅紋似搏沙
曉山宮樹凍啼鴉
相看不辨章臺絮

無賴猶遲韋曲花
韋履踏來詩并冷
小車衝處路從賒
山公啓事忽忽畢
更向塵埃得淨華

詠懷簡西陂先生

廷敬

一月不相見
三春有所思
殘花遮徑淺
孤鳥託枝遲
物望如公在
生涯敢自私
祇應垂老意
攄寫向西陂

次韻答午亭先生

一病春將老
高賢繫夢思
閉門芳草積
返岫暮雲遲
丘壑元難忘
煙波乍許私

時余奉
予告之命

白頭同調在
午壁與

西陂



西陂類稿卷二十